


107 111 112 113

詩	黃
稿	梅
<p>此七字表十首</p> <p>胡致生題</p> 	等
	屋

顯園以詩名海內久矣而堅不自憚所作至今未刊布
去歲余歸里乃以為勸令其友之請選刊一
卷屬余序之余曰顯園之詩工豈其所以工世多知
之亦待余言也顯園之詩藹藹表襟皆充之以詩人老
其今遂以詩人名于世而天下後世或亦祇以詩人目之
此世交時會使然於顯園固無所得失且存商瓦雅之
銷沈久矣今得顯園起而振之一章一句若占山川運
會事其光顯則漢風所被蔚而時宗南服轉壇源

深斯遠願國誠何負于此行占地耶一獨慨余少
嗜文學衰病一事所成入世以來雅頗近詩吳豪
長其潔承其感集其板而以為尚不遠願國遠古徐
余之所損即鄰國之所獲可知矣余曩以宋跡簡
齋銅印于海上久置篋中今去乃以贈願國此死
守常一得行之誼蓋粵中詩派多祖之唐其能
舍咀兩宋之菁莪而並其蕃之變其蓋不多觀五十
年來梁古卷皆明黃政向胡庚生諸家始開極境畧別

出手眼顯園之詩清到深切與空山簡齋為近可謂能
後其緒主持夙會固非顯園莫屬其受此印宜
也抑顯園嘗綜蒐粵中四千家之詩而為詩以品
評之蔚為巨製顯園所作自不與其列然則顯園
詩價之辜較殆非相知數十年如余者莫屬故余之
以簡齋為比私也亦公也且余之所宜也即余所以序
顯園之詩也亦不外是彼之顯園及讀顯園之詩
亦為何如時

民國三十二年九月葉卷傳



黃梅花屋詩稿

番禺陳融顯龔甫

丁卯冬夜感賦

展堂遠遊詩以送之

與客談明末諸儒記以詩

題陳章侯九歌圖

熊罴然病中寄詩卽答

讀晚清人詩集分賦

和答麤思有懷

白下贈梅擷雲

寄隋齋

雜興

用湘兄寄懷翼羣東京韵卽寄

侯府東園夏日卽事

己巳秋感

組庵書贈楹聯續成一律

歸粵寄展兄師期韵

答隋齋二首師期韵

客有自題墜歡詞之作依韵和之

到京寄粵中諸友

春日白下次霜兄韵

明孝陵櫻花

侯府海棠

組兄命題展兄自書詩冊

組兄題獎拙稿賦謝師期韻

展兄題獎拙稿賦謝師期韻

哭組庵

偕易大尸登掃葉樓同賦

環陵路觀桃花與冒疾翁同作

展堂十疊大尸掃葉樓韻見寄依韻答於海上

偶吟

贈友

遣悲懷四首

雪留痕館

爲洗玉清治印并系以詩

少颿以其先人遺著墨跡影冊屬題

過雙梧桐館人亡物在悲從中來偶閱梁節庵集拾其成句

得二律

湘翁逝世週年謁墓感賦

又三週年謁墓

寄展堂歐洲步至味韻

同石遺宿華首臺聽梵用石遺遊羅浮韻

石遺留別依韻答并謝輓繼室浣雪詩

次疚翁顯園賞菊韻

哭展堂妹婿

病中校不匱室詩集

楊雪公書來有詩卽答

答蕭佛老用難韻

佛老將返暹約予爲九龍之遊詩以贈行

再賦疊巵韻

得佛老書

寄佛老二首

丙子七月廿三夜作於香江

丙子七月廿四日作

荅痲翁次前韻

謝玉清女士贈豆花

越秀山堂雅集

還舊居新年得此

贈芭川

贈光宇

寄嶠然

贈硯山紺碧子樞君碧弁呈粟若

懷心一希穎履菴紹弼閨同偶用齋壁所懸惺默齋詩韵并

呈痲翁

次履庵感事韵二首

顯園夜談和心一原韵

和少弼原韵

壽演公七十原韵

嶠然寄詩次韵答之并眎光字惠泉諸子

痲翁寄詩倒用原韵答之

聞謝抱香卒於廣寧詩以輓之

憶夢廬

寄余大

寄嶠然光宇

寄誦先

寄翼羣

戲爲悼霞詞

陳君贈籬菊荒雞圖小詩謝之

癸未重陽和魯叔畫家原韻

題李魯叔山水冊

題李魯叔水墨梅花冊

劍父畫石榴爲韶石題

題張純初百花詩畫冊示韶石

容景鐸木棉畫屏

甲申重陽

乙酉重陽

韶石以所寫嶺南羣芳屬題如見昔日純翁手筆喜綴小詩
丙戌生朝步陸光字韵時初自越南歸

壽光字

答少颿

丙戌重陽

追輓李仙根

西園遇公續

題黎澤闈詩集

題蔚華樓師友遺墨

張北海以舟中詩見眎倒用其韵

依韵和紀彭跋愛竹軒詩并眎卓平老友

贈紀彭兄

葉遐菴以少時菊坡精舍課卷見眎感書

題葉遐庵鳳池精舍圖卷

葉遐庵以陳簡齋銅印相贈賦謝

遐翁贈句續成用甲戌雪留痕館舊作韵

題李研山花月宦消夏圖

題李研山山水長卷

題陸幼剛鎮海樓圖

送曾酌霞

題歌樂山圖余少飄屬

余大詩來依韵和之

題洗玉清畫水仙卷

借得故友詩詞讀之用麥仲衡夢中得句韻

謝六禾翁題像再用前韻

題李研山老翁畫扇三用前韻

謝伯端兄題像

夏雨新晴木棉作絮狂飛詞家云南方風物聲詠所遺不遇
可惜盍爲詞以彰之繼有稱詩者余得一律

丁亥新秋飲小畫舫齋夜歸感詠

讀寂園答无菴得一絕

熊潤桐錄眎與北海寂園市樓夜集句題一絕

戊子壽友翁

二南翁贈書畫兩簞并詩賦以謝

和莫子亭戊子生朝原韵并諸戚友助刊拙稿

答羅兩山贈詩

讀兼葭樓集用吳三立原韻

聞公瓊林宴後經六十年戊子重陽後吟賀

年來李卓立陳道耕每自高涼贈詩久未作答病中得句聊


寄離衷

哭雲陔

與石君慵石有師弟之誼一別四十餘載忽自潮安寄詩喜

而和答

跋



黃梅花屋詩稿

番禺陳融顯盒甫

丁卯冬夜感賦

不獨長安似奕棋
迷離詩訊動吟髭
儒生鬼域風斯下
梟將羈縻事已滋
雄辨裔皇雞
驚笑舊羣索落鳳
鸞嘖五湖未易輕舟去
匣劍匱釵可耐思

世事汪洋縱眼看
衆流歸赴有波瀾
冰壺玉尺祛塵淨
霽月光風取徑寬
借梁節舊侶寄情深
似海新詩命意曲
如欄寸心隻手平生志
珍重滄江尙歲寒

展堂遠遊詩以送之

劫後經綸微往例
樊中俯仰是今憂
何堪袖手觀沈陸
別有詩心紀漫遊
海送長風塵惱盡
雲連春樹別情迢
江山資料空前富
乞

付吟箋速置郵

與客談明末諸儒記以詩

皂帽西風汗漫遊山陵涕淚洒松楸柴桑賦後崦嵫暮自惜名山
占一籌

烽烟起伏大江濶家派南雷晚學深一紙風波投絳燭雅懷遮莫
笑儒林

千載詩流擅代興安身立命尙門庭衡湘風動牙行說不獨居心
罵竟陵

殺身幾爲負崇名且幸紆回却載旌借徑南山一回事門庭愧煞
李天生

痛語遺山節未堅蕨薇心事自昭然布衣史局辛勞甚惜爲王家
服硯田

萬劉相友學相需處士風流更絕殊
徹地通天王霸畧茫茫滄海
惜遺珠

金劉於世又齊名博學畸才肺腑傾
汗漫奇縱誰得省懷疑底事
結埼亭

西家處女玉爲顏獨立盤桓二八間
祇惜高山深水處措持薄命
卻艱難

不甘入社韶齡日始信談經晚學年
一度絳雲樓上客無緣豈獨
浣花箋

三子旌旗起翠峰姜醇侯肆孰兼雄
酒酣黃鶴樓頭客我愛和公
古俠風

排牆耻作今名士築室嫌爲舊黨人
腸斷世間淒絕語幾回吟罷
我酸辛

題陳章侯九歌圖

眼底滄海爲桑田銘鐘勒鼎不問天醍醐方熟湖山妍含毫箕踞
伸素箋亦醒亦醉催丹鉛淨鬢盥手和露研作九歌者楚屈原誰
能圖之惟老蓮雲神太息四海便洞庭始波木葉翩秋風嫋嫋哀
嬋媛手搴芙蓉擗蕙楊思君流涕爲潺湲鬼雄魂魄誰爲憐終古
無絕悲山川畸士下筆思幽玄酒氣忽忽十指顛古狀媿態窮雕
鏤論價不數黃金錢鍾陵寒樹咽秋蟬故山夜雨啼春鶻楓溪舊
路山樓前清福回首今何年畫蓮遊戲貽飛仙畫柳悽愴明湖邊
命騷於畫歌神絃筆墨尤併靈均傳呼吸湖月噓湖烟元神邈邈
馳湘沅圖成復飲沽十千樽空獨扣漁父舷

熊皜然病中寄詩卽答

熊子少聰穎短小精悍材讀書冠羣儔一座之顏回早歲籍甘陵

高志超八垓奔走馳驅下風濤霜雪偕智膽乃敢爾不畏多烟霾
聲利以爲汗不染纖塵埃碌碌至今日大用猶疑猜道合以身助
幕中忘形骸治事兼十人一一勝典裁否則寧疏閒鄉隱居蒿萊
種菊餐落英怡然開舊醅一笠一簑衣釣雪寒江隈庭前恪朝夕
甘旨和尊疊老父樂融融鄉譽子弟佳熊子於是窮窮味與詩諧
愈窮詩愈勤功效如神催噫氣所摩盪咳唾皆瓊瑰蒼然后山筆
枯朴其素懷益以簡齋趣腴淡相安排今生將杜韓定卜衆妙該
高涼百年間吟嘯數輩儕堅苦而卓絕子當爲之魁嶺海詩域廣
不易多追陪旗鼓出中原且看騰風雷人窮詩益工此語當遭迴
造物時弄人難以常理推窮不加以病未足摧俊才肺病良醫難
而使百念灰健者又不然一笑付談談羸狀雜呻吟神明猶壯哉
詩境進深寒王氣振其頽孤感依微茫爾我情益隈讀子病中詩

秋波爲溯徊餘生歎有幾幽夢馳海涯德聞希微我楚楚松樹齋
况此京洛塵滯我思歸來何以慰良友襟抱平生開長言寫不盡
蕭蕭風雨哀

原作

鱗然

多病餘生能有幾追歡隨地愛相逢臥遊恹恍春深夢退食
從容別後蹤理事由來資伯始棲心何處著元龍歸期慣向
枝頭卜更望齋前一樹松

風塵京國時相憶珍重詩篇枕畔看草樹正當三月長簿書
愁擁一春寒未同甘苦能無愬便愬疏慵忍自寬會似金城
親植柳摩挲重感北征桓

讀晚清人詩集分賦

風烟遍地生涯拙不礙玄亭困學深越雋並雄推石笥師門生色

有天琴詩書掃盡牢愁病名節增高縵雅音著述牛腰誰品定杏
花香雪最蕭森

越縵堂

椰冠學士配軍頭神秘江山眼底收熱淚如雲萬絲雨風毛猶雁
一身秋孤吟梁父平生耿故態元龍意氣適相逐中原論得鹿南
皮才力未殊優

篋齋

江西魔派不堪吟北宋清奇是雅音

二皆廣雅句

名氣不曾染塵土愁

眉獨爲惜春陰香山樂府淚餘讀龍樹秋林霜後尋流轉江湖吟
事老浯溪磨石是詩心

廣雅堂

天南池館絕塵氛嚼徵含宮有雅羣顧影悲愉滄趣月無心去住
出山雲門庭韓杜風斯健几席蘇黃老愈親手法謹嚴留本色須
知臺閣是前塵

滄趣樓

衆香國亦百花潭老子胸腴興又酣如玉合緣尋底蓋似鶯梭巧

織青藍羣流混混偏甌北東筍纍纍等劍南不困同光新派下樊
山自有繡詩龕樊山

深知翰墨累窮年冷燼餘光剩幾篇勺酒興懷屬陳左瓣香無意

拜王田沈觀輶中風物奚囊富夢後春明老筆妍海上聯吟問花

鳥古魂今侶益凄然沈觀齋

嶄新色界古鬚眉華嶽三峯世所推秋悍上顏九邊氣石寒漱齒
四靈詩挽春無力思櫻笑隱市難安痛黍離強學司勳殊刻意爭

教老醜愛花枝海藏樓

伊川三魂君有四簡齋爲夢子爲魂借梁節庵句胸中廬瀑天龍勢袖

裏浮村仙蝶痕春水後身莫須有雲門才調試同論張顛得意頭

濡墨狂草狂吟殆一源琴志樓

可怪同光詩體稱寶錐珍貴器難名眼中屑構空中語功力平參

學力精寒雨消寒臣有說病僧支病若爲情藩籬荆棘苦同慨檀
闕莊嚴喜佛磨乙金

無數袖詩呈佛者斜街花木好秋陰偏師材武談何易家法醍醐
味獨深緒衍辛楣補遺憾意翻貽上表同音奚囊檢點鄉詩富到
聖如何儘用心石遺室

怪棘土淤寒乞累被君一掃不留灰拍肩騰笑峯南北照影滄浪
月去來人在畫中求畫境意飛詩外逞詩才爲緡籜石諸家集猶
欲輕彈幾點埃缶康

騷選當年託毫素前塵今夢足低徊感春神得韓豪肖詠淚悲從
李婉來繞室菊魂宜冷抱依湖柳意有深哀山居孤唱蒼涼態半

世平生首重回蒼虬閣

浪語修詞宛陵筆石遺嘗謂散原兼局從蒼莽無邊拓句向蕭森

逼肖拈能數幾人開戶牖比參一卷疏華嚴寒林高竹宜鷗鷺忍
俊埃塵寸喙銛散原精舍

清才跌宕尋詩夢偏事憂虞百態新眼底滄桑爲別客隴頭埃霧
不陽春肺肝幸有伊涼換毛羽終由雨雪珍病榻蕭寒嘔心稿湖
烟湖月盡酸辛觚原

開詩世界江湖論學自桐陰日課來几榻軒聲悲好夢宮庭怪劇
痛殘灰狂敲鐵板魚龍駭廣擷珊瑚罟網恢偶似謝家晞髮集尙
難一格囿驚才人境唐

崢嶸亂世愛冬郎弗喜樓臺碎玉裝詞采不縈焦客夢滄桑能重
杜陵傷斜陽草綠哀鶻似修竹天寒翠袖當節菴脈脈琴心遭劫

後祇堪枯筆記蒼涼節菴

何來秋夢優曇客別有幽絃變徵音負手花前欄愛曲斷腸歌後

淚彈深碎金零玉皆詩累寒雨淒風以力任骨格終存人亦悴自
捐翎羽費沈吟兼葭樓

雅筆爲題康樂妙命途如妾后山哀詩人官職禪宗合狷士文章
苦處來絢素獨儀唐代始枯寒不責楚風開平生養到詩幽約肯
被冰懷著點埃整葭

法門難得寄禪師海色天痕好入詩馬背馱來參去住牀頭苦日
悟嗔癡吟情畫蟹菰深處花事牽牛錦燦時騰欲渭南尋短劍舊
緣刊落是心期癡公

會記庭簷禁燭時風流儒雅亦吾師用杜卅年蕭瑟疑爲夢一卷

因緣尙有詩祈嚮得宗唐代雅端嚴不野漢官儀江山萌漸憂危

日國事扶輪更屬誰退思堂

縱橫一代樂天樂羣己大同貞曜貞詩必深寒爲王氣人從衡困

見多情陸沈風雨途窮淚心蕩江湖絃絕聲無限唱隨好花月終

難壯語起愁膺

肯堂

自家抹淚訴衷腸

木菴句

故實從來費紙張笑彼梳妝儗天寶容予

諫諍冀朱王茅分各軫古無害石點成金仙有方東野幽微后山

朴終難的確定評量

木菴

一鹿異材羈在乘九華心約隱於壺海噓殊笑樓臺幻

漸西調樊山語

崖

裂寧妨沙石麤仙釋一源人籟寄興亡有恨怒濤吁句文鼓吹皆

餘事誰爲祧唐抱宋譽

漸西村人

龍釐家事兒嬉甚一局蒼黃一土吁蝕月恨留宮井豔亡人疑索

酒家胡櫻飛旗扇吟魂蕩雲起江湖客唱孤流畧專門詞賦手寸

心千里較何如

雲起軒

和荅麤思有懷

何子新詩憂冰雪怪予忽去又忘歸何堪飲啄因循誤漫許雲山
心事違豐悴相隨吾有友清渾交接事多師行人風雪低徊處獨
子人天詩緒微

原作

麤思

草生花落曾經處風雪行人獨未歸明月高樓非昨夜寥天
孤露有當時撫膺恐自難爲意避席猶聞愛說詩一代嶽崎
每如此江關吟望亦生涯

白下贈梅擷雲

廿年久別相逢處白下春深楊柳青世象晴嵐如此幻故人思夢
若爲醒瓶盃花自開千葉湖海身同著一萍彼岸清涼吾躑躅乞
君容許問雲扃

寄隋齋

浮雲白日總蹉跎蕭冷湖山獨嘯歌一事慰情風雪裏黃梅花勝嶺南多

濩落生涯計亦迂菜畦花圃近何如乞君預我三楹屋促膝商量理故書

雪霏酒煖可沈吟嘯侶低徊萬里心遠想笙歌清夢客近來詞句益蕭森

雜興

烟榛隨地堪憑吊大好江南語不差一水昔曾工點染百年前已掃豪華闐車廊巷新官宅淘米均塘百姓家頓挫風懷猶兩絕白門楊柳後湖花

用湘兄寄懷翼羣東京韵卽寄

每從握別惘然久惟恐微生少日逢一髮中原多感處漫天風雪

慣行蹤詩聲偶聞清於鶴筆勢高跳矯若龍舊學商量幾時事盤桓我欲問孤松

庭下竿音自爲笑鏡中鬢影幾回看秦關馬首瞻來去梁苑鶯聲認燠寒案爲牘塵詩稿亂友從鄉至酒杯寬柯亭奏罷蕭然去不必人間識姓桓

原韵荅

湘勤

可有餘情恣墨瀋更無聊賴作逢迎魚頰鳥頰工書勢薤倒針懸見筆蹤自昔論詩重無己當年豪氣似元龍將來舊學商量處同倚東山幾樹松

離合萍蹤殊惘惘新詩猶喜寄時看飽徑西華南衡雪頗怯瓊樓玉宇寒舊約烟波雲水處相隨魚鳥海天寬少年意氣消磨盡莫想龍山一壓桓

侯府東園夏日卽事

老樹成圍花似田小樓迴檻屋東偏
水從江上挑來淡果自江南
寄到鮮畫梅尙留爲客燕綠陰常聽合時蟬
苦人熱惱俄間事無價清涼月上前

己巳秋感

萬緒如絲待解紛草茅苛論尙云云
僧騰客是天驕子平準書爲紙上文
赤臭播關唯所欲勝標生活是誰親
諸端倘副喁喁望合頌英雄屬使君

家山好月偶時圓梧野新愁伏莽烟
悲慘河陽花劫後陰森蜀道馬危前
秦雲隴樹疑無路黔雨滇風別有天
四顧踟躕憂未已可能談笑燭幾先

松花沃壤繞江潯何止祇園地布金
闕閱情形千日醉關門韜畧

卅年心折衝樽俎談何易死活棋枰却已深此是榻傍軒臥客得
毋中夜費沈吟

組庵書贈楹聯續成一律

把臂追歡常恨少賞心同癖本無多聯語能容懶放情如許無補
涓埃意奈何牘似校書摧落葉事同闢壤理繁柯一年飄忽猶雲
度躑躅長安且嘯歌

歸粵寄展兄師期韵

到處雲山是我師奚囊檢拾又成詩年來魂爲傷離黯老去情惟
戀舊癡撫景自宜多雪地歸鄉正及好花時冥鴻轉眼各千里君
問歸期已有期

人海波瀾動得師醴醴鄉味可無詩持袍被體分寒燠擊楫同舟
有點癡得失鷄蟲煩屑事縱橫冠劍合宜時家山戎馬張皇日正

是沈憂緩緩期

荅隋齋二首師期韵

行藏欲問懶殘師
芋熟灰寒各有詩
此日齋魚人未老
當年戎馬事寧癡
香脾隋齋集前人句爲香脾集幾集囊中物
花圃三弓海角時
世態風雲情雪月
且傾樽酒話襟期

故山人至自京師
酒暖肝腸吐在詩
來景又因新歲短
好花常慰主人癡
書能果腹家豐日
樓可棲心我倦時
珠桂長安途萬里
不勝惆悵掛帆期

原作

隋齋

風誼平生友亦師
傾心何祇是風詩
蒼生屬望君應出
烏几栖遲我任癡
但願鄉閭無隱患
何防耕稼老明時
愛憎參透皆虛幻
離會隨緣莫問期

客有自題墜歡詞之作依韵和之

倚市妖嬈海角吟如君抱意最幽深
隔牆花落干卿事祇有微雲識素心

腹裏瑯玕翰墨宣江湖詩案有人傳
含毫寫入黃梅記斷作紅蘅碧杜緣

黃葉詩人得氣先風懷刊落在當年
深寒薄袖憑欄夜忍俊埃塵別一天

玉露金風頗自持清愁如草解人知
漫天霜雪歸來客愛讀人間涕淚詞

到京寄粵中諸友

稱心出處古人難綿繆經綸且強顏
交况同萍此湖海宦情如水有波瀾
樊中飲喙尋常慣鏡裏濠梁咫尺艱
巨浪天風又催去藏

雲點點是鄉山

最苦人間是稻梁長歌寧願在江鄉鱸羹風味離筵早燕子光陰
客夢長湖外詩交益秋興江南花訊待春芳粵臺烟雨秦淮月羈
趣無端又較量

春日白下次霜兄韵

依舊江山龍虎姿鶯飛草長好栖遲花光冷煖因風處人治汗隆
結想時獨斷爲文滋世論寤歌求友與君期卅年晴雨論朝夕詩
步雍容今始知湘翁向不作詩此
作爲第二次見之

明湖牒子一篙春同上桑畦步綠茵怪他早起觀霞客君早起愛
觀朝霞

偏喜宵深愛月人余愛深夜君不謂然余輒舉陳東塾人有
深懷愛清夜天將明月答新詩句謝之慨世

濁流多喚渡惜誰花蕊盡成塵原詩
意詩心含淚幽微甚我是漁郎

欲問津

原作

湘勤

雪後平蕪競秀姿蕭蕭衣袂野行遲縱騎柳影參差處繫纜
江潮上下時放鴨野塘知水暖聽鶯深谷及春期人間無限
東風恨輸與江南羈客知

自維無計可留春桑已成陰麥似茵微蕩曉風窗外柳欲殘
寒月夜深人任教紅紫隨流水忍聽車輪輾作塵如此清淮
清幾許更無打槳渡溪津

明孝陵櫻花

收容海色入陵林畢竟中朝氣象森絕蕩天魔廻小舞最煩翁仲
識芳心江浦桃李何曾弱嶺外紅棉更十尋骨醉東風無限惱松
楸寒處一沈吟

侯府海棠

羈客江南詩思好衆香無限點芳辰生涯入世搯沈醉顏色撩人
惜晚春夢後樓臺誰是主妝前金粉易成塵青蒼松栝凌寒下絕
妙橫陳錦障新

組兄命題展兄自書詩冊

茶陵齊步相先後宗匠興朝伯仲間風力撐持誰抗手中流一柱

好青山

偶向渭南尋短劍剗山斫柱此爲雄聞來自品盤空語鏤玉描花
笑未工

蔣青淮碧好春時意興沈酣百疊詩詞陣雌雄公等在局中如我
素人棋

組兄題獎拙稿賦謝師期韻

圭角磨礪得匠師附庸齊魯獻聲詩深潭水及桃花漲羈客情因

柳意癡運啓貞元屬公等風留正始愧當時春深錦幕弘如海不
廢川流妄自期

原作師期韵

組菴

十載相逢在義師軒眉今始讀君詩孤芳自賞知難及結習
猶存未是癡夜雨簾櫳看不盡春風庭院立多時大邦文史
從來感羣彥汪洋不待期

不相菲薄不相師我亦低徊禮部詩夢裏何煩因與想體中
常半黠兼癡是丹非素殊多事禰宋祧唐爲入時甘苦自知
聊自慰出門合轍本無期

讀律誰云吏可師重重公案不妨詩有餘何至嫌無暇小黠
元來是大癡掉臂遊行殊自樂賞心酬唱正當時海棠雖落
羣芳盛佳句撩人更可期

展兄題

懶溯琴心問

士笑癡滄海

事元龍百尺

原作師

自以文

生平第

生芒角

哭組塵

十載旌旄草

虎吏循啄木

卜人間有幸

難再名場論交友不勝清淚讀遺詩醇醪飲我真如醉錦蕙酬知
惜已遲燕羽簾櫳誰舊識龍門風雨益秋悲吳楓暫落滄江冷書
劍蕭條有所思

偕易大厂登掃葉樓同賦

珠海滄波記得無卅年寥索付嗟吁雙清鬢影輕浮雪偕老詞心
總在湖若夢春山人共倦如秋楓葉韻隨枯登樓我又傷離聚且
與憑欄盡一壺

環陵路觀桃花與冒苻翁同作

環路桃花如往歲落鴉湖影又斜暉客愁擾擾理還亂春草離離
遊未歸等是雨雲浮夢短那堪顰笑夙心違詩懷尙有依依在惆
悵江帆逐浪飛

展堂十疊大厂掃葉樓韻見寄依韻荅於海上

鍾陵俯瞰數桁樓
雨打風凌快又秋
歌嘯不妨傳遠訊
江湖寧許解沈憂
三山詩權精神滿
一劫棋生邊腹愁
滿意風雲重回首
江南猶有客勾留

原作

展堂

不堪歌嘯在吾樓
悵憶衡雲去歲秋
三月春窮寧獨醉
一時民病孰分憂
別離未是平生意
詩句終成肺腑愁
望望脊令難寄語
江南猶有客相留

偶吟

無窮棖觸是光陰
如許詩塵又到今
青眼自來珍一盼
樓情誰解動微吟
靳予福地因人得
惜爾名山量力任
筆倦意慵紅下雨
瀟瀟猶見落花深

贈友

風烟過去已陳陳
汎濫洪流未易堙
獨醒真難問漁父
沈憂端許屬詩人
換移桑海微塵似
商畧濠梁夢影真
却欲與君共杯酒
黃花滿意正逢辰

遺悲懷四首

得醫方喜起沈疴
永訣翻驚一刹那
來日萬難託伊始
此心百悔怨誰何
死庸非福卿先覺
責本平擔我獨多
飢食寒衣兒女事
可勝任此婆婆

追隨甘苦廿年強
飲泣逢人問母鄉
婦德永思堂上愛
忠言款待枕邊商
篋中荆布違時尙
厨下壘鹽費手量
但得爾憐含淚語
此生刻骨最難忘

毋煩乳孀與家傭
鞠育恩勤春又冬
軋軋鍼機慈母綫
齊齊書篋校堂鐘
女衣奪目心非喜
兒氣驕人棒不容
大婦所生多嫁去
歸

來情話最喁喁

一門生事緒如麻轉眼都非往日家塵侮奮前心愛物雨欺欄畔
手栽花頑童懶掃經風葉癡婢時斟隔宿茶書亂燭殘庭露冷更
無人掩晚窻紗

雪留痕館

了無痕處若留痕池館人稀花木繁梁燕似來相識客庭陰都託
舊培根絃辭玉柱琴如夢影度紗櫺月是魂疑雪疑雲同一障佛
燈初上又黃昏

爲洗玉清治印并系以詩

書史伶俜獨寫懷妙清高潔越裙釵和殘白雪幽琴遠傾倒當年
楊鐵崖

匱史分編話屑塵翰壇文墨自彬彬立功鄉國存文獻曠務窮搜

得幾人

少飄以其先人遺著墨跡影冊屬題

才人易舒藻往往不自惜翰墨馳四方颺零等沙礫幸有佳兒孫
涕泣念先澤千百什一較鱗羽概難得觸眼生光芒亦足一代特
君詩如明湖秀色烟鬟俱君書如明姝風動輕羅裾如此俊麗才
飛黃滯天衢續騷掇香草疏雅添魚鳧悟徹鷓行人徒勞奔與趨
默思聚首日公府何潭潭有老蝨其間咿咿陳木庵謂沈潭歌詠發
光怪各物資評談君性洽聲類有如風與南私以忘公我茗椀樂
共參而今幾何時思之味至甘

君早修文去審世有明燭風霜又十載不問艱虞屬遺編讀再四
饒感我心曲尙憶鴨塘西高齋絕塵俗清尊助吟興良日集芳躅
風流頓消歇歲月歎忽倏鈔詩入吾話商榷羣雅續

過雙梧桐館人亡物在悲從中來偶閱梁節庵集拾其成句

得二律

淺淺堂扉爲我開滄江掣淚忍重來臨窓一鳥窺人熟靜院雙桐
記此回今日觚稜猶在眼幾多琬玉化爲埃十年魂夢如黃葉白
日浮雲并一哀

無人會解湘靈瑟襟抱如霜並者誰亭館苦迷鐙燭亂江湖多負

鳳鸞期倚天照海何曾夢

湘翁最愛朝霞

避地尋芳尙有詩觀世至深交

肺腑芳菲時節竟誰知

湘翁逝世週年謁墓感賦

崇墳碧草嶙嶙石死別流年日以深

借黎二樵句

每遇艱危想顏色覺

難跬步問身心舊遊肝膽晨星數後起風雲秋夢尋魑魅逍遙泉

下憾松楸如怨我行吟

又三週年謁墓

舊館龍泉冷中原虎氣癡蒼生難喚起別夢枉尋思片影重雲遠
新阡宿草離老謀盤礴處蕭颯作秋悲

舊約山河渺新懷秋後深無多數行淚灑向九原沈憶子先機遠
愁予苦恨侵桐陰人健在必有慰悲吟

寄展堂歐洲步至味韻

別如三秋度書難一日至孤懷萬千慮漫與九十字媿姻朝暮情
歎惜風雲思一義徐勇爲兩情曲相類飲夢鵝黃醇食歎鷄肋棄
湖山醫者理飢溺蒼生事有道終求貫無言等示意舊談瀛海錄
偶興騷壇幟詩乞一篇和韻飶百回味

同石遺宿華首臺聽梵用石遺遊羅浮韻

一入忘還古有言孤青山處見山門境如滿月虧成半峰似飛雲

拔以奔耆傑人間名易世林巒仙處佛稱尊梵音午夜蒼茫甚了
死明生總一源

石遺留別依韵荅并謝挽繼室浣雪詩

冒雨尋山東復西峯審君與古人齊老親風雅明香瓣別誦詩篇
悵雪泥四卷楞伽驚一瞬六如電露畏重提銘心水繪雄文外猶
有宗工老筆題

次次翁顯園賞菊韵

次翁胸臆帶詩來一讀千回減百哀君論要留春意在我心期向
定中灰當筵顧曲年俱去舊願傳人夢又回此老風懷起枯瘁可
能晨夕共深盃

哭展堂妹婿

將死頻垂顧回頭總費思千金方莫得百罪贖奚辭驚力爲誰竭

榮聲益我悲弱甥收痛淚轉語慰支離

華首歸來卽曹溪約與新編詩疑有託

六日以詩集
曷子續刊

絕筆似明因

越二日爲子書聯集劉夢得李太白句
雪山童子應前世金粟如來是後身

繼後人何在空前事又陳

卅年知己淚點點是酸辛

病中校不匱室詩集

老矣支離病以時天教留命校遺詩馳驅自得今生已休戚人亡
世路蟻傾海洗頑吾有淚蓋棺論定世無辭卽今壇坫風微事已
乏高文爲起衰

言言有物辨忠奸不薄俳諧小頡頏鑄以雄詞通詰曲賈將餘勇
破艱難功夫到聖氛霾後瘦硬如人骨相間孰是韓豪追一脈三
陵而下數青山

楊雪公書來有詩卽荅

攤書爲愛晚蟬吟忘問潛龍易義深壇坵響沈哀敵侶風雷吼歇
愴琴音壁籬間物恩無上屋漏中來耻不禁野意豪懷有同趣青
山百世是高岑

原作

雪公

十年厭聽長安事且喜蠻夷尚可逃老始讀書嗟已晚病猶
憂國悔徒勞山中有客烹雙鯉海上無人斲六鼇暮齒又銜
羸博戚傷麟泣鳳涕沾袍

答蕭佛老用難韻

孰悟良時得最難月團圓後又秋殘藥求延病醫真苦醪覺非醇
席亦闌倚劍鬚眉白於雪寄詩心事曲如欄裴裴自有琴中慕肯
任孤絃幽獨彈

佛老將返遲約予爲九龍之遊詩以贈行

咄咄可兒成哭笑前塵今夢費評量名山過眼余爲主

佛老言對江山風月

我卽主人

異國多緣客作鄉健者此生惟筆舌向來吾黨各風霜

前人句

蒼黃未奠何曾老且頌龐眉進一觴

再賦疊巵韻

萬里風帆悵歸客紆懷偏畏酒盈巵雅遊爛漫同心見近句顏唐
老眼知絃各孤彈離意共藥多相遺病情宜我詩自笑山樓夢尙
有鷄聲夜起時

得佛老書

難得高懷慰寂寥接書今日是花朝琴棋夜靜梅村冷燈火春深
佛國遙垂老夢魂陵闕樹欹眠憂患海門潮閒情偏及丁香案使
我思量意也消

寄佛老二首

佛地莊嚴著一身甘陵寥落有斯人沈憂論世明如鑿辣手爲文
老愈辛偏向天涯思舊雨不煩書卷索疑雲篋中無恙龍泉冷雞
肋殘年語未真

多病年時涕淚身琴箏商榷屬誰人消閒覓友情迂遠避謗爲詩
氣苦辛春冷寒爐留活火雨收荒野戀餘雲不置室句既雨
餘雲猶在野海天
萬里何曾隔願我南床去夢真

丙子七月廿三夜作於香江

去年今日顯園客蕭索相逢問起居風雨連宵晴此夕坡陀一角
黯吾廬傷春往緒愁如夢落月新吟喜未孤水繪老懷應念我拈
髯沈著肯歸無

丙子七月廿四日作

稱心千里高明滿美酒開懷各一卮幾士歡顏湖海濶十年清誼

歲寒知慰情尙有新詩到中聽無如舊曲宜良好秋風君莫去釣
鮮嘉味且閒時

荅友翁次前韻

去年今日顯園客曾以雄文當酒卮戒有心傳名士守淚能交換
故人知撚髯覓句詩逾媚屬意留春老更宜未負山樓今度約歸
來剛近月圓時

原作

友齋

去年今日顯園客百罰難辭後至卮王謝貴遊生性近原嘗
豪舉勝流知華嚴眼界三千幻居士頭銜六一宜八座何如
朱錫鬯休官纔是著書時

去年今日顯園客寂寞江樓共酒卮念到全灰思已逝心當
臨別悔相知重逢私冀天人許少長無憂飲食宜一任數來

僮僕怪踟躕分手不多時

謝玉清女士贈豆花

清音吹自碧瑯玕喚起山堂春夢闌垂老詞心多少在生涯真合

惜餘歡

女士有惜餘
觀詞詠豆花

珍惜名花風露歛幽齋清課總相宜年來筆墨寒灰委懶學人間

詠物詩

越秀山堂雅集

海山躑躅歸來日叢菊開纔秋已深尙有靈光存榜字

越秀山堂
四字青

山所
書

可無哀感託詩心人寒薄袖瑯玕影鶴唳聞雲碧落音畫侶

詩儔盡騷雅酒邊花畔一沈吟

還舊居新年得此

垂老心情多少在看花如霧又新年律驚神鬼囊詩富客愛清狂

甕酒先樓可棲心安舊宅園謀易米割春妍黃梅總是吾家物爲
溯離因一惘然

贈芭川

老懷相對無言裏段段清愁各默知鬚鬢斑如十年長心情強入
數章詩身謀風雪隨陽雁談屑滄桑感舊祠不置室中曾有說閉
門五字是吾師

贈光字

句除旖旎真情寫界尙莊嚴法眼觀一代風騷同黜陟
年歌嘯共悲歡搜羅百石供詩料酬唱雙梧感歲寒驚座近來餐
菊詠盧前王後定評難

寄嶠然

吾輩生涯朝暮殊金風玉露卅年俱選樓分政春秋筆山館懷人

助編顯廿
園詩話

主客圖南國訊來詩有夢東陽瘦盡侶尤孤老迂三復情何已珍
重霜枝歲歲腴

贈硯山紺碧子樞君碧弁呈若粟

不思學畫真餘憾會憶青山語未忘胸際烟雲如有約楮間粉墨
愧無方數君絕技筆千古能事兼詩氣八荒韋偃少年畢宏老故
交尤重醉三郎

懷心一希穎履菴紹弼閨同偶用齋壁所懸惺默齋詩韵并
呈荻翁

竟夕客不至虛齋枯坐愁意煩書束閣人靜月窺樓塵薦桐將蝕
杵殘子孰收商詩一老外屈指五人謀

次履庵感事韵二首

李子憂懷少日開瀟瀟風雨足音來溪雲有致承家樂鵬鳥無端

作賦哀得酒狀君狂飲驥催詩令我倒
綳孩青霄徐上應非晚真
爲明時惜雅才

弓車旣破憶前徒逐兔難能又索烏太息陵原芳草綠漫云琴酒
故山癯胸中泰嶽尋常有眼底寒流八百孤我祇聞吟參一侶看
君才調入時無

顥園夜談和心一原韵

心靜如歸萬里車疏燈細雨竹籬斜友來問訊敲成句風到關情
補種花茶當濁醪良夜過詩緣清債暫時賒晴朝郭北橋南路跌
宕春光未有涯

和少弼原韵

酒後花前漫意看君家才調自盤盤文成脫穎堪驅鬼句出驚人
勝得官顧曲心夷歌律細傾樽舌起劍芒寒篇章尙有沈潛地猛

志能降境最寬

壽演公七十原韵

老翁沈頓蝨天南順逆紛紛一笑堪
鼎貴趨庭兒輩專門功累葉
世人諳鄉方詩聞如滄趣山寺書傳有上藍
世累足償禪悟遠最
清涼地佛前龕

嶮然寄詩次韵荅之并眎光字惠泉諸子

暫得一家聚危疑海外洲江湖多涕淚
風雨小淹留獨有傳詩業
斤斤未肯休勤劬無益事閉戶且消愁

地異鄉音熟交深客面新厭厭長日熱
念念故人屯病最欺貧者
囊偏澀難人亂離無好訊翻畏得書頻

疲翁寄詩倒用原韵荅之

祇知海上可乘桴誰信風波此地無
荆棘途長愁命續江山跡蹂

覺情枯豈容涕淚天涯換未信風騷劫後需慘淡光陰能許否此
生重與故人俱

原作

疾齋

散盡黃金命與俱狐裘有幾此生需如吾意出詞何苦與日
亡偕眼蚤枯異國興居能適否故園松菊到書無錫蘭宿諾
經年負又夢南浮海上桴

聞謝抱香卒於廣寧詩以輓之

不隨光怪逐飛騰酣寐羣醫寂似僧友道襟懷如雪月官聲天下
有冰凌盪愁金粉名流許救難經魚古佛響最是生平孤憤處興
衰南北問甘陵

憶夢廬

年年空篋音書絕日日小樓風雨聞病榻柳陰一片月因詩求侶

最傷神

筆墨荒蕪日再眠沈吟多夢憶君偏知君不忘天涯客燈下談詩
又十年

寄余大

萬里鴻音話劫餘亂離翰墨一嘻吁天涯獨客偏多感得子殷勤
索我書

戎馬聲中蜀道春化離風雅孰扶輪浣花芳草峨眉雪遠憶南華
舊主人

故交故土若爲情撫劍圖懸兩鬢星病榻殘年棲海角憂生觀化
總難名

寄嶧然光宇

莽莽乾坤轟戰塵別何容易見艱辛百年苦短江湖遠松石相依

夢未真

后山風度我低徊病榻蹉跎興未催
偶憶梅村曾有句慣遲作答
愛書來

寒江一笠近如何詩愈嵯峨境逾苛
苦念瘳殮晨夕事鄉園未必
菊花多

思君痛奏廣陵琴老淚難降忽斷音
竟欲一航謀聚首只虞相對
益霑襟

寄誦先

老優滿腹古丹青商我江干買醉亭
酒後一箋拘柳媚紅樓夢覺
又重聽

故軸殘縑一寸無六觀如是客心枯
三巴飄泊漁山子肯爲顛圓
補一圖

海邊何地可盤桓
慰子江湖畫骨寒
聞道風懷猶在柳
和烟和雨上欄干

寄翼羣

憂生觀化語誰聽
苦樂人間到卽經
海角樓頭今夜月
夢中惟有故山青

故交故土兩多情
有客探懷刺未輕
病眼惺忪燈影亂
愛聞風雨送潮聲

良將偏能是雅歌
年來詩筆定嵯峨
豪華例與心聲老
料爾春風綠未波

故情默默各秋懷
見或無言別亦佳
獨憶團圓秋月夜
有無杯酒論天涯

戲爲悼霞詞

女郎命薄如桃花桃花顏色如緋霞緋霞散落桃花謝篠竹棲魂
是我家阿儂生近吳江雪幼小愛歌黃埔月十五十六藝初成玉
潔珠圓歎雙絕梅花豔幟遍江湖姊妹一雙紅鬢能以藝療貧士
夫志庭幃一樂豐膏腴玉體橫陳羞噲伍阿儂學歌不學舞骨醉
徒爲天上魔紵殘能訴人間苦江上峯青一曲終闋心靜默惟愁
儂燕隊鶯羣厭春鬧遠山朗月多秋容裙屐波瀾狂似海不惜黃
金等青蓓舞眉冷熱送情潮冰心一片玉壺在海角風塵鄭重商
英多磊落屬何郎巧緣曲曲薦蘿婉私語喁喁絲縷長花訊年華
君不負踐盟海上鴛鴦偶儂非老大君風雅此生願作商人婦七
日歡娛好事經送君一別短長亭申江碧漲濃於酒不及何郎醉
我情綺窓草色經年綠蘭房靜譜雙思曲呱呱應夢喜一雄頭角
崢嶸美如玉孤島搶攘風雨時訊是郎家喜可知稚子呀呀學娘

笑訝娘何事喜歸期華燈相覲如花燭燭似未殘今復續不怨雙
栖鶼鶼晚祇傷別後星霜速柳陰柳月好家園笑看含飴母弄孫
羅浮想像偕飛蝶別有闌珊春夢痕從來曇影如彈指誰待雞皮
耀眉史萬古姮娥司擣杵不藥佳人長不死世間醫手豈有靈經
魚梵呶皆秋聲凝鏡珠塵影猶在手寒芙蓉慰俗傳七月綢繆方
告滿弄人造物無遺算任教死別七月長限却生離七日短何郎
酒熱淚如糜屬予商畧悼霞詞僕本恨人發深憶悽然爲動古鬚
眉茫茫人海癡兒女悲歡聚散多如許從流時俗有荃蘭騷心獨
有遭迴處愁苦爲膺句未佳何郎當可遣悲懷朝朝暮暮霞仍在
試看青天碧海涯

陳君贈籬菊荒雞圖小詩謝之

面面靈雲法眼觀花間籬下卽空山雄聲有負荒雞意祇當清鐘

起夢闌

心在南山花在籬菊英何故託秋悲
知他粟里柴桑意祇有山人顧絳詩

癸未重陽和魯叔畫家原韻

濁酒據懷野趣真黃花感舊又逢辰
詩魂楚雨含情地畫意寒梅耐冷身
磨墨生涯吾志合挑鐙風味夜來新
十年遲却相逢日終作籬間唱和人

沈沈歌哭烟雲下讀書驚心身世謀
闌入秋聲添白髮終非吾土厭高樓
吟餘几案鄉關恨夢覺山林文字憂
舉盞祝君真健者不虞嘯傲老滄洲

題李魯叔山水冊

坤軸掀騰西復東茫茫禹域漂搖中
灰燼湖山慨今昔縱有畫本

無良工東宮李子風騷手挾筆天涯傷路窮牢落吟情有未盡付
之縑素披煩胸錦囊江山信收得祇傷慘淡難形容含毫伸紙發
玄想意氣不必前人同淋漓墨花落尺幅幅幅不作晴天空神明
刻畫與變化米老而外惟思翁嗟吁無限託痕景象外之賞難欣
逢墨林門外堪笑儂邂逅談詩鐙伴紅泠泠孤抱一點通眎我天
遊妙筆蹤使我老眼開昏蒙勝如飲我醪千鐘吾儕沒首烟霾下
流離萬族傷飄蓬蕭散烟雲進一解此如午夜鳴清鐘勿作殘山
剩水讀行看大地迴春風

題李魯叔水墨梅花冊

冰雪丰神玉女顏墨工方顯化工難請觀上翠烟鬢手

魯叔別有山水冊

不仿河陽著色山

椰陰逼仄笑啼地焉得梅花慰夢遊寫出南枝絕塵壻知君來處

是羅浮

劍父畫石榴爲韶石題

一枝劍筆闖江湖
亂落珠璣世所無
兵火磨心年事去
天涯相望各情枯

題張純初百花詩畫冊示韶石

青取冰寒論在懸
隔山流脈自涓涓
能從詞筆抽玄秘
我愛花痕

夢影妍

純初有花痕夢影詞

有聲不少無聲輔
揭盡浮生有淚痕
風譽幾曾爲畫掩
依稀南雪是家門

黃壚風雪不勝悲
猶幸君家有墨池
抱此珍瑜亂離世
名山何處卽天涯

容景鐸木棉畫屏

漢後英雄豈偶然從來此樹獨撐天花寧委地紅如血色不因人
巧弄妍自昔青山鷓鴣影於今殘照馬驟鞭迎風拭劍何爲者獨
立呼鸞看木棉

甲申重陽

一拳各握久要心求侶殷殷我亦尋人到天涯愁獨客酒逢鄉味
喜頻斟雲沈五嶺家何處節過重陽秋又深杜老高樓曾有句萬
方多難此登臨

乙酉重陽

月來消息未浮夸秋色爲開滿意花常慰孤吟三畫友

李傳叔張韶石容景

錄共商歸計一鄰家登山乏力聊開牖送酒無人且盡茶默念乾
坤消劫後雲林深處有袈裟

韶石以所寫嶺南羣芳屬題如見昔日純翁手筆喜綴小詩

嶺海小南強卓絕人間世無怪洛陽園稱之曰抹厲抹厲皆以己意

之名

小笑解羅襦對客殊歡愉露下娟娟泣知情獨大蘇小舍笑尤甚

烈蘇對所謂娟娟泣露暗著人者

古貌亦古色生長梵王家何物輕狂子却之樓歲華粵畫人寫少

詩亦不多見純翁於百花冊中曾有此作

寂寂素馨斜昔日花如霧恨不莊頭村一生衣食住悔不莊頭村裏住一生衣食

食素馨花黃石溪句

不羨江南權不羨中洲芍除却華首臺此身無處著扶桑即佛桑昔感於華首

灼灼桃柳花落留顏色留色異留香觀物如有得夾竹桃亦曰桃柳花落地

猶嬌紅鮮好故又曰地開花

葉以寫經貴花以題詩壽雅趣王阮亭小試春風手貝多羅葉可寫經王漁洋

南來植於
使署有詩

勿寫杜鵑花持贈天涯客羅浮幾萬里客歸歸未得

丙戌生朝步陸光字韵時初自越南歸

玉宇瓊樓高處寒警人思慕海天寬江山曠眼風雲淨蓬華樓心
燕雀安難得故人賜顏色獨留真感貯胸肝延年酒熟春光好敲
句終慚老瓦盆

原作

光字

松壽千年保歲寒體胖原自得心寬登門早識門閭大杖國
同扶國步安隨世功名都到手藏山事業尙鑄肝令辰恰合
齒風頌秋實爲供玉露盤

壽光字

卅年交誼十年別寸心千里共明月后山風度日益深外示蒼然

內腴絕北遊南歸風雪縱故山花事春光融屠蘇酒卽延齡酒勸
子開懷盡一鍾

荅少颿

舊遊十九幸還家藍縷琴尊度歲華喜極故人詩東到關懷到我
臘梅花

吟望年來無所得祇虞輕易混艱辛荒蕪筆墨難成帙碎稿零篇
自笑貧

鶯飛草長興悠揚萬首將來滿篋箱正是中原旗鼓處祝君無限
好時光

原作

少颿

顛園南望海雲遮想見黃梅已著花獨漉詩情饒別趣白沙
書法早成家叨陪末座思投轄掇拾蕪詞待點瑕凡骨自憐

還自笑未將豪放換清華

丙戌重陽

九載重陽悵海涯餘生何幸逐歸思雲山無似鄉園好文酒常生
劫後悲遠地舊盟詩翰速今年新贈菊花遲賣成幾幅敬斜字添
得兒童度歲衣

追挽李仙根

舊館高梧早雪霜青山風樹又斜陽以君知己淪亡感換入予懷
一樣傷

故鄉文物苦搜羅菊水叢殘悵恨多珍玩枯琴惜耆舊錦囊收拾
到秋波

大地翻騰幕戰雲窮途奔命盡艱辛吾儕自有甘心處不必長安
少一人

海方消息恐迷離
嫂氏登樓問客歸
不識自何來
老淚素衣觸目
已如糜

歸來方喜舊儕多
二李一熊傷逝波

仙履
菴爛然

難道能詩應厄運
剩

教孤老獨蹉跎

西園遇公續

珠江最後一笙歌
悶雨疑雲障礙多
世上難忘惟舊友
縈縈秋夢夜如何

兵火磨心近十年
故山琴酒已雲烟
今朝竟聚天涯客
可笑浮生真偶然

題黎澤闈詩集

讀君一卷有聲畫
如飲七甌消渴茶
杖笠登臨多難地
情文哀慟故園花
金城珍重追劉後

君詩善
五言

老嫗便宜擬白家

君詩多
似白

暫東

烽雲歸筆墨觀生何有有無涯

題蔚華樓師友遺墨

劫火驚餘問冷攤破囊何幸浦珠還師門友閉相漸雅半世矜持
總有關

枝葉扶疎春在堂瑞薇臺閣點芬芳承平景色捲持下展帙如窺
現世妝

風葉飄零念故山幾能拾掇蠶蟬殘知翁深有龍門感無限前塵
點髮斑

張北海以舟中詩見眎倒用其韵

避難餘生自滄海棲心一閣等江湖故繫秋夢人何遠枯筆南床
道已孤苦以瓊瑤問迂我喜從翎羽識真吾建章重疊天荒濶老
馬何曾竟識途

原作

北海

抱甕百年同過客，稽天大浸入窮途。
桃源恍隔人間世，蝶夢親窺鏡底吾。
尙想中山千日醉，不辭業海一身孤。
艱難懷藥勞泔泔，敢慮瓠尊泛五湖。

依韵和紀彭跋愛竹軒詩并眎卓平老友

攬轡澄清天下志，亦儒亦俠亦封翁。
愛羣鸞鶴分霜雪，隔宿魚龍厭雨風。
貨殖生涯原潤達，黨人碑字未朦朧。
老成語業鳴秋籟，等是留痕一戲鴻。

贈紀彭兄

廿年悔却疏携手，刼後詩交幸一論。
秋感同情蘭性老，士存豪氣草衣尊。
鄉心細雨黃花路，旅夢閒雲白下門。
何似故山遲吟客，綠荷包飯侑芳罇。

葉遐菴以少時菊坡精舍課卷見感書

我輩秋槩下束髮各受書執卷越山堂史雋而經腴余懷最深佩
無過葉與胡胡子天下志思以隻手扶延憂在國心瘁忘其軀
長星早搖落夕照東阡墟校讀不置詩一字一淚珠葉子好身手
濯濯名家駒經綸在掌握早譽蜚江湖大陸息兵氣傷心故園蕪
文澤沃桑梓重荷當吾徒翩然賦歸來風土萬象蘇追昔阮儀徵
校士洵良模學術顯南國才俊斐然殊樹人常百年不斷接步趨
願子爲靈光巍然峙番禺扶衰救弊事干係非區區青山長屹然
慰籍當何如披卷思舊雨別感增煩吁

題葉遐庵鳳池精舍圖卷

海濶天空未老身祖庭花木湖前因江山自有閒風月認得伊誰
是主人

大家風度數王蒙墨戲淋漓不盡同溶溢故人名實意溪山空色
有無中

越王臺下小顛園一變均塘養鴨村安得楞伽心訣妙雪留痕館
爲留痕

葉遐庵以陳簡齋銅印相贈賦謝

后山絕世難一笑簡齋明麗時展眉別裁風格酌腴淡此印勗我
從良師野狐禪室真宗絕靈物沈淪混歲月黃梅館客更疎頑衣
鉢非人又何說

原作

遐菴

南渡詩人空作相今古紛紛付魚唱剩此凋殘一寸銅高吟
猶想青墩上昔歸隨園今顛園風流相接七百年願君珍重
此衣鉢不是詩家休浪傳

還翁贈句續成用甲戌雪留痕館舊作韵

黃梅如雪僅留痕

還翁東云弟入春體中似稍好然心緒益劣恨不克一面傾瀉之雪與黃梅擬下一轉語曰黃

梅如雪僅留痕不知上座印可否即當留一公案

好句撩人心意繁半世衾裯先宿草一

庭蘭芷自靈根枯棋愴慟渾成夢舊館歸來祇斷魂剩得百年遺
樹在疎花猶傲月黃昏

和作

還菴

刹那春夢本無痕刻畫徒增絲絮繁腸結暫應成木石心空
何礙觸塵根棋枰斂後寧爭著香性灰餘或返魂悵望停雲
還露露可堪八表已同昏

題李研山花月宦消夏圖

故人一別縈秋夢折簡裁書倩誰送年前寄我蒼髯松墨瀟灑光
若生動我今歸鄉君未歸携手越山心事違烽火當年客消夏知

君彈淚寫芳菲

題李研山山水長卷

挾筆天涯傷路窮縱橫收束入玄中十年一別丹青手吳下真非
舊阿蒙

風雲初淨道途艱鄉土櫻心萬里還
淡沱峯巒飄蕩水新愁無限
此江山

題陸幼剛鎮海樓圖

烽煙一別滄波濶畫技忽然氣蓬勃
擬以山陰陸山子誰是老蓮
授衣鉢層樓無恙峙南天依舊紅花開木棉圖成別有滄桑感
文物消沈又十年

送曾酌霞

襟江帶嶺號詩域浩劫慘淡旗鼓寂搜勝消息動羣雅壇几掃塵

起寥闐盛門風骨多清英落花迴雪移我情可惜醇醪僅一酌風
雨瀟瀟湖外聲

題歌樂山圖余少颯屬

浮屠白石相犄角降將知兵未可非終慮此山危大業方知丞相
善觀微

天生壁壘集風雲石砮旗開鼓角紛傳聞秦良玉練兵於此陣熟弓強建瓴

下兵謀誰及女將軍

左右峯巒闢廣場高風輪翼好騰驤凱歌唱罷樵歌和此樂青山
一笑長

余大詩來依韵和之

息影家園又一時舊儕縈夢慰相思詩中生活窮人戀僚底功名
羈客知命賤不妨鄉米貴官高多恨讀書遲荔支正上羊城市待

子歸來滿一卮

題洗玉清書水仙卷

何時持上紫宸殿隨緣流落野人家

俱山谷句

涪翁迄未思量當位置

冰清玉潔花

曉夢盈盈湘水春

倪雲林句

凌波襪上惹埃塵倪迂應識奇花品怎學

黃初賦洛神

境界幽夔我意中翠竿修影月玲瓏瑯嬛萬帙爲花侶冷眼人間

春夢松

借得故友詩詞讀之用麥仲蘅夢中得句韻

江楓顏色好斜暉只是將殘屬望微薪釜相依前夢短匡廬一我
故人稀金丸未懼飛鴻逸流水無情落葉歸孰秉春秋褒貶筆待
將吟旨定從違

謝六禾翁題像再用前韵

垂暮尤珍一寸暉商量舊藝各深微局中施范何曾有嶺外姜張
今更稀一老瀾翻滄海嘯孤山琴趣白雲歸隨心揮斥六朝語但
恐諛評字字違

浪淘沙

集六朝人語題像

六禾

弘治自標鮮韶舉軒軒芳林楊柳似當年企脚北窗天際想
鶴驚神仙我與我周旋披霧觀天小顏風範爾時存一壑
一丘端合置何必凌烟

題李研山老翁畫扇三用前韵

蒼茫老眼倦春暉腰脚何堪上翠微一杖江湖前路隘十年歌詠
故音稀友無合約尋山去樓且樓心待月歸漫說漢家遺此皓我

情剛與畫人違

研山云是畫
四皓之一

謝伯端兄題像

家山烽火年來慣艱苦原能却病魔小小勾留春意
在曉風殘月不須多

縈縈秋夢十年酣聚首人間味至甘老去何情問楊柳
多君一闋望江南

闖甚藩籬得妙詞心光辨物細逾絲秋山狂舞一丸月
照及畸人頰上髭

憶江南

伯端

釣鼈手珍重善藏刀耆舊似聞尊九老風流無愧擬三
高頰上欲添毫

夏雨新晴木棉作絮狂飛詞家云南方風物聲詠所遺不
遇可惜盍爲詞以彰之繼有稱詩者余得一律

難得晴天晴有絮偏非雪地雪留痕虹光海日前身事鵝影江山
一縷魂寧可風懷讓楊柳幾曾衣被慰黎元詞人老作英雄語

六指

禾翁越嶠聲壇定一尊

玉漏遲

閻公

越臺花事歇匆匆過去芳菲時節一樹暄妍聽到鷓鴣啼徹
幾日東風換了有千片落紅如雪休重說繁華舊事雄姿英
絕十尋俯睨羣芳但卓立霞標暗含冰纈散作瓊瑤不逐
浪萍漂沒合是寒年纖纈待南國裁成雲氎烽火劫花中此
爲豪傑

留春令

六禾

拆時桃艷結時梨淡餘霞成綺眼底春魂竟難消又飛舞熏
風裏醞就奇溫蜂蝶喜總萬家衣被偶爾飄零也英雄斷

不作浮萍墜

水龍吟

伯端

似聞楊柳無花怪看飛絮漫天起東風遠引江南春色行
萬里遮莫離人半襟幽恨惹他香淚算才華粉黛飄零一
何須問天涯意紅盡越臺花事又匆匆雪飛瓊墜憑高
怕斜陽如夢鷓鴣聲裏休認層霄頓驚殘劫半閒身世甚
絲易改韶光暗換物猶如此

水龍吟

白雲樵子

越臺吟徧濛濛似憐殘霸彈清淚劉王去後昌華斜日芳
已逝莫謂輕盈搓酥團雪褪花消膩正濃鬚大面英雄氣
嗟垂白風塵裏幸免兒童捉弄且休談萬家衣被炎方
逐會稀紅粉歌殘玉蕊不效楊花浮萍易變便隨流水喜

圓自潔裝成繡枕任蘧蘧睡

梅子黃時雨

詠零

飛絮流光又風裏落花梨雲吹碎看百越山河夕陽如醉歲
月豈無遲暮感英雄自有飛騰意誰料理冷煖世情如許多
事應是匡時經緯念繁華好夢薦繡酣倚待衣被人間歡
顏相視堪笑楊花無氣力一生飄泊隨流水春歸矣鷓鴣亂
啼聲裏

北海

裂皆擎天訴不平飄風迴雪轉輕盈錯疑杜宇收殘血應笑
楊花恥化萍身外豪華歸幻境眼前事業被蒼生雄姿英發
知何用始信經綸在老成

少弼

徒負堂堂嶺樹雄也隨楊柳裊晴空開花元悟爲時晚結果
那堪自爾重定是殘春難作態故應煩思滿羅胸從來不入
詩人眼一任畸零表越風

酌霞

歌舞崗前玉露遲霓裳舞遍濕臙脂溫柔無限如綿意吟向
天涯付阿誰

絳節霓旌舊夢非朝臺零落且因依且將纖纒酬閨里不待
君王賜錦衣

丁亥新秋飲小畫舫齋夜歸感賦

老去遭廻惟舊友

山用青
山句

嘯歌欣喜有新盟雅緣不爲閒愁累勁侶

都因結習成劫後秋顏添嫵媚花前酒氣顯平生畫齋如舫初涼
候百感蒼茫一日并

讀寂園荅无菴詩得一絕

墮淚銷魂趁落暉北風愁絕客南歸人隨雲水心隨月是否坡翁

善學韋

坡公送蘇伯固詩
自注效韋蘇州

原作

寂園

遭亂十年餘鬱鬱中腸結殘陽滿天地北風正愁絕楚騷不
可讀讀之愁人心湛湛瀟湘流中有慷慨音萬古惟此月萬
古惟此心心月忽相觸共墮雲水岑鄰嬰妄笑啼不自識其
性安心良獨難歌哭亦吾病丹鳳翔八極寒蟲鳴諸天虎谿
得神遇一笑千萬年

熊潤桐錄眎與北海寂園市樓夜集句題一絕

相逢有酒氣如虹酒後詩懷醒醉中放下枯榮問寒燠青氈一霸
足稱雄

原作

潤桐

天南無雨一冬晴北雪頻傳候已更檻外枯榮疑可置意中
寒燠轉難明人材豈復關鄉議國論真同聽市聲且喜杯盤
還語笑未妨肝膽自平生

市樓燈火炫浮天風味城西異昔年儘有高談能越世可堪
華髮已盈顛平生師友隨緣按幾輩文章得幸傳才拙愧無
經國用閉門聊霸一寒氈

戊子壽疥翁

十載不見鄙吝生詩心冷落詩才貧風騷未免付洪劫魂夢何嘗
忘故人黃金續命詞何苦荆棘異區無足數慘淡光陰竟許吾重
隔天涯論肝腑老鶴不見小鶴來聊喜春風搖酒杯尙冀江湖日
斜夕終有消息親談談聞得石園參史局凍雲寒雪息窮蹶誰是

良儔劉獻廷縱論今古伴寒燠白門桃花將次開壽翁挈杖觴蓬
萊羣彥彬彬獻珠玉鶯飛草長浮雲疊老迂心花發桃李無力飛
騰渺千里一箋迤邐紆我懷淚珠交換情何已大隱何須藥駐顏
劍南萬首莫須刪

不遺室詩
鶴亭句

不匱室詩借成句奚煩作頌頌南山

二南翁贈書畫兩筆并詩賦謝

梅園落落寫懷作畫卽是詩周孟朔蠅頭字字規矩中八十強能
文徵仲於詩迫近西江壘避其粗豪去渣滓惓惓家法問誰屬意
是當年石籀子名高三絕風雅林兩筆清薰紆我襟無可爲報以
長吟長吟不斷相思深天涯十載各相望每虞風雪摧苔岑良辰
天與幸今日故山猶可商登臨越臺烟雨珠江月遲余友兮披素
心

原作

二南

遼海相望莽迴互翁歸吾病滯猶今何由共酒從容語久識
清詩道要心喬木飽霜千萬歲好秋涼吹妙靈襟江關同滿
蘭成思暮靄餘紅耐索尋

和莫子亭丙子生朝原韵并謝諸戚友助刻拙稿

生日與君同一月十年以長更難尋何妨世有耆英會更喜人談
嶺雅音詩境兩涼情自遠筆風秋勁力爲禁樓心樓畔花如雪獨
客枯吭時一吟

花晨月夕興遄飛狂狷分投有妙機怪事近來詩道廣惱人病後
酒杯稀積書歷劫珠塵盡舊夢傳人心願違風葉感君重檢拾回
頭知我廿年非

拙詩十七年
後畧有存稿

答羅雨山贈詩

風雅消沉悵廬嶽此生孤抱近如何詩髯未白藤先老冷笑當年

花下歌

原作

雨山

北園始識陳無已南國元應有此賢
下士不因歸隱日詩人已越古稀年
每從浩蕩窺微意餘事波瀾壓萬牋
高詠江山知獨健起衰猶擬待公傳

讀蒹葭樓集用吳三立原韻

韓豪李婉不關心吟祭江亭意可尋
力棄豐腴存骨勁苦爲淒冷應秋深
名花供養滋閒品好鳥歸棲有倦吟
還是青山公論在茅廬抱膝已同音

原作

三立

廿年未已說詩心一往孤懷略可尋
風露入肝塵滓盡蒹葭寄意溯洄深
南冠北客傷時語菊晚荷枯帶淚吟
逸調堪追

陳正字長留天地作商音

闡公瓊林宴後經六十年戊子重陽後吟賀

感慨滄桑幾歲時冷然一老雪霜姿楊園自愛非名士

張履祥云此名士非

儒者也謂黃太冲

稷若人同仰大師

卓然經師吾不如張稷若顧亭林語

長共羅浮壽風月

不因臺閣廢詩詞試繙大郡人文志一段優華未易期

和答

闡公

桑海飄零守道身楊園稷若一流人紫陽學派淵源正高密
經師沆瀣真世晚儒風多廢墮俗衰禮教亦淪湮區區一第
猶慙負况擬前賢恐不倫

年來李卓立陳道耕每自高涼贈詩久未作答病中得句聊
寄離衷

多難餘生苦別離夢中兩友鬢如絲君家邀月無如酒老子閉門

方覓詩處世惟甘舊風雪論交共曷古心期迢遙一柬如相見肝
膽懷人兩地知

原作

卓立

海外歸來杖國人江山如故景都新復瞻光霽知何日儻會
耆英念此辰別久起居詩代東懷遙言笑夢如真風霜吾黨
今無幾珍重元龍老健身

原作

道耕

同甫當年爲國憂于今天外且昂頭居夷興歎傷尼父浮海
相從愧仲由舊雨有時思入座春風無賴怯登樓花開陌上
歸休緩雲落黃梅爾許愁

哭雲陔

書生智瞻起風雷嶺外江山得此才赤手南陲軍燾豎片帆西渡

錦囊開處身不爲功名顯佈政都從謹愿來難後祇堪容一面病
牀研淚寫沈哀

與石君慵石有師弟之誼一別四十餘載忽自潮安寄詩喜
而和荅

七三七十年相若范陸歐蘇我未能劫後琴書苦零落筆間風力
缺峻嶒爾知大句從真氣如解空王說上乘慚愧涓涓小流脈水
寒當讓一壺冰

師期疊疊事寧癡草長鶯飛又一時不厭湯波浴塵垢更教霜雪
沁心脾留花吏部歸來晚專壑荆文識者稀君上青山數雲物中
原猶憾此旌旗

原作

二首題是讀不置室
詩鈔用集中師期韻

維巖

無分登臺叩老師徒知事外有餘詩胸中墳典自三古聖處

工夫抵一癡能以沈言出真氣定知刻意是憂時杜韓已往
黃陳盡試說何人可與期

行爲儀表足人師歎息惟留數卷詩自昔先生真倔強寧容
老子作頑癡求田玄德向何地專壑荆文肯負時欲問斯人
如可作麟傷鳳落邈無期

賁禹陳協之先生國楨鄉望餘事爲詩謝政以還纂述日富尤以
讀嶺南人詩絕句四千餘首自唐張曲江以迄民國能詩諸先輩
搜羅宏備評隲精詳可稱粵中唯一巨著其他存稿獨據淵抱刊
盡浮辭空谷孤芳自成馨逸于嶺海詩壇獨標一幟實握轉移風
會之樞宜與海內人士以共見今擬由同人付印行世刻日成書
爲先生壽凡諸事例附列左方敬請署名期快先睹

莫鴻秋

崔斯哲

羅翼羣

陸幼剛

曹受坤

張樹棠

葉夏聲

譚惠泉

葉恭綽

張北海

陸耀文

鄧邦謨

胡毅生

曾大年

陸嗣曾

錢 澐

孫 科

吳尙鷹

梁寒操

盛九萬

吳天寵

黎澤闈

陸匡文

邱錦賢

一編印及分書事由

陸嗣曾 邱錦賢
譚惠泉 錢澂

負責辦理

一全書約二十萬言分釘六冊

一印書次序先印詩集次印讀嶺南人詩絕句

刻者芳名

謹依姓氏筆畫簡繁爲序

文 壯 王子忭 王 模 王天保 王鐸聲 丘昭文

丘公乾 古 新 古紹軾 古 滂 司徒豪 伍伯良

伍智梅 伍伯勝 伍暖森 伍伯就 伍鏡吾 伍哲夫

伍君望 伍雄進 江長齡 朱廣陶 朱伯新 朱瑞元

呂燦銘 呂治國 余燕伯 余柱民 余少颿 余國強

阮明新 何明坤 何其壩 何沃寧 何君雅 何仲達

何躡天 何其燮 何啓禮 何覺甫 何熾昌 何家爲

李慶榮 李文瑄 李挺枝 李乃斌 李鶴齡 李 甘

李業文 李文範 李欽甫 李彥良 李悅義 李曉生

李金璋 李樹培 李揚敬 李樸生 沈鏢光 沈載和

沈耀祖 沈家杰 汪舒龍 汪道源 汪思濟 杜梅和

吳偉裳 吳英華 吳天寵 吳尙鷹 吳景堯 吳

吳蔭和 林其焱 林伯聰 林翼中 林秀奇 林

周世泰 邵洛滔 俞鴻勳 香翰屏 胡毅生 胡

梁山 梁寒操 梁元芳 梁漢耀 梁耀瑛 侯

孫科 馬寶森 祝秀俠 敖昌驃 曹受坤 曹

陳大年 陳弘毅 陳啓鎔 陳仲墀 陳重朝 陳

陳元英 陳榮枝 陳翰華 陳道耕 陳鴻燊 陳

陳策 陳慕貞 陳子木 陳巽吉 陳鴻炎 陳

莫廷藩 莫鴻秋 莫澤泉 崔龍文 崔斯哲 威

威導吾 麥朝樞 麥蘊瑜 陸耀文 陸匡文 陸

陸祖光 陸嗣曾 陸清熙 陸國垣 陸冠瑩 陸

許廷熊 游君壽 黃鏞 黃麟書 黃範一 黃

黃詠雪 黃選卿 區國樑 區榮書 區芳浦 雲逢銓

彭守仁 張寶箴 張翼東 張勉中 張北海 張澍棠

張啓榮 張守璞 曾大年 曾慶昌 郭英殊 程植梅

程天固 程鴻軒 程榮祥 程璧金 馮次淇 覃鵠

鄒魯 鄒殿邦 鄒仲平 楊宗炯 楊春源 雷鴻莖

虞棠 趙超 趙敬 葉夏聲 葉恭綽 葉家垣

薛一塵 蔡愷元 熊苑 熊菲 盤瑞祥 鄧邦謨

鄧文偉 鄧剛 鄧青陽 鄧飛鵬 諸耀祖 劉景華

劉紀文 劉賢年 劉懋初 劉秉綱 劉無逸 劉君望

劉少俠 劉蔭蓀 劉傳敷 劉鳳鐸 潘延禧 潘應榮

潘景夷 黎澤闈 黎鐵漢 黎湛燦 鄭乘闈 蔣藻生

錢燿 錢洪 蕭次尹 蕭維紀 簡又文 歐陽駒

歐鍾岳

謝祚蔭

謝宜邦

謝頌雅

謝熾基

謝寶典

謝瀛洲

謝寶桐

謝儀仲

謝宜民

龍躍波

鍾明雅

關元亮

關倬

羅翼群

譚璜璋

譚惠泉

蘇子

黃梅花屋詩稿勘誤表

十五陽	十五陽	十三陰	十三陰	十一陰	十一陽	八陰	五陰	六陽	五陰	頁數
四	三	十二	九	七	九	二	五	一	十二	行數
二五	十六	二二	二二	十一	二三	二四	八	十二	十二	字數
特	紅	紅	樓	柱	頌	江	原	井下脫「謝」字	以	誤
特	瓶	樓	紅	桂	頌	鄉	庵	井下加「謝」字	以「字衍刪去	正
三五陰	三二陰	二八陰	二八陽	二十陰	二十陽	十九陰	十七陽	十七陽	十五陽	頁數
八	一	三	一	十二	五	四	六	七	六	行數
一二	十三	十二	十	十三	十七	六	十七	六	二五	字數
北海	迎	送	縱	若果	祠	觀	齋	洗	趙	誤
仲衡	迎	送	縱	果若	詞	歡	齋	洗	趙	正